

## BERMIBUS

2017ko otsailaren 1etik aurrera Bermibus zerbitzuaren **ordutegia eta geltokiak** hauek izango dira:

### Astelehenetik barikura

Goizez: **7:45etik 14:15era**

Arratsaldez: **16:45etik 19:15era**

### Zapatuetan

Goizez: **8:45etik 13:15era**

Arratsaldez: Ez dago zerbitzurik

- Bidaiak orduerdiro izango dira.
- Lameratik laurdenetan eta laurden gitxiagotan urtengo dau.
- Domeka eta jai egunetan ez da BERMIBUSik egongo

Ibilbidea	Geltokiak
Lamera (urteera).	Lamerako autobus geltokia
Txibitxiaga	Txibitxiaga kalea 24
Askatasun bidea.	Erribera enparantza
	San Andreseko geltokia
Erreñezubi kalea.	Nardiz Tar Gonzalo enparantza
Ondarraburu kalea.	
Adubidxe kalea	Adubidxe kalea (jolasen ondoan)
Mikel deuna bidea	Mikel deuna bidea 3
Artieda tar Iñigo kalea.	
Zubiaur tar Kepa kalea.	Azokako autobus geltokia
	Zubiaur tar Kepa 50
Ibarreta kalea	
Martin Deuna / Bizkaiko Jaurerria	Bizkaiko Jaurerria 39
Bizkaiko Jaurerria kalea.	Bizkaiko Jaurerria 1
Arresi kalea	San Juan Portale
Tonpoi bidea	Talako geltokia
Talako Andra Mari Auzoa	
Benito Barrueta	Haur eskolako geltokia
Matxitxako bidea	Hilerriko geltokia
	Aritzatxuko geltokia
Atalde kalea	Kiroldegiko geltokia
	Atalde kalea 19
Aritzatxu bidea	
Zubiaur tar kepa kalea.	Azokako autobus geltokia (aurrean)



## **Bermeoko uri-busaren (Bermibusa) zerbitzu publikoaren tasa arautzen dauan ordenantza fiskala**

### **1. - artikulua: kontzeptua.**

Tokiko Araubidearen Oinarriak arautzen dauzan apirilaren 28ko 7/1985 legearen 106. artikulua emondako ahalmenak eta Tokiko Ogasunen abenduaren 16ko 9/2005 Foru Arauaren 21. artikuluan ezarritakoa oinarriak izanik, Bermeoko uri-busaren (**BERMIBUSA**) zerbitzu publikoaren tasa ezarri da.

### **2. - artikulua: egitate ezargarria**

Tasaren egitate ezargarria bidaiarien uri garraio kolektiboaren zerbitzu publikoa, hau da, Bermibusa zerbitzu publikoa, emotea da.

### **3. - artikulua: sortzapena**

Tasa ordaintzeko betebeharra zerbitzua erabilten danean sortuko da.

### **4. - artikulua: subjektu pasiboa**

Emondako zerbitzuaren erabiltzaileak dira tasaren subjektu pasiboak.

### **5. - artikulua: tasa kuotak**

1- Tasaren tributuzko kuotak honako tarifa honeen arabera izango dira:

1.1.- Pertsonako, txartel orokordunentzako bidaia	0,70
1.2.- Pertsonako, jubilatutako, langabetu, %65 edo gorako minusbalio gradua daukienen eta <b>familia ugaria</b> txarteldunentzako bidaia	0,50
1.3.- Pertsonako, txartel bakoentzako bidaia	<b>1,00</b>
1.4.- Edozein motatako txartela eskuratzea	2,00

2- Bidaiaren hasiera eta amaiera Lamera (urteera) eta Lamera (helmuga) izanik, tarifa ordaintzeak dakarren eskubidea ibilbide osoa, hau da, Lameratik Lamerara edo tarteko edozein geltokitik beste geltoki batera edo edozein geltokitik Lamera-helmugara da. Beraz behin Lamera helduta Lameratik urtetean bidaia barria dan ezkerro, tasa ordaindu behar da.

### **6. - artikulua: salbuespena**

Tasa ordaintzetik salbuetsita egongo dira 4 urterarteko haurrak

### **7. - artikulua: ordainketa**

Tasa ordaintzeko era bi dagoz: udal txartelaren bidez edo diruz autobusean bertan.

Txartelagaz ordaindu ezkerero, txartela erakutsi beharko da. Ez da onartuko hurbiltasun era erabilia fitxatzea.

## **8. - artikulua: Txartel eta tasa kudeaketa**

1- Txarteldunentzako tarifa orokorra: aurreikusita dagoan 1.1 tarifa aplikatzeari jagokon txartel urdina autobusean bertan eskuratuko da.

2- Jubilatuentzako, minusbaliodunentzako eta **familia ugarientzako** tarifak:

1. Jubilatuentzako tarifa: aurreikusita dagoan tarifa azken finean tasa zenbatekoaren hobaria dan ezkerero eta egoera hori frogatu beharra dagoan ezkerero, txartela eukitea hobari eskubidea bermatzeko era da. Horregaitik jubilatuentzako 1.2 tarifa aplikatzeko txartela eukitea derrigorrezkoa izango da.

Eskubidea aitortzeko eskumena udalarena dan ezkerero, froga-agiriekaz [Berh@z](#) bulegoan aurkeztuko dau txartel eskaria eta bertan emongo jako txartel gorria hori izanik 1.2 tarifa hobatua aplikatzeko agindua. Txartela autobusean aurkeztuko dau, han aktibatuko da tarifa hobarritua kodifikatuta eta diruz kargatuko da. Txartela eskuratzeari jagokon 1.4 tarifaren zenbatekoa automatikoki deskontatuko da egindako diru-kargatik. Geratzen dana bidaietarako saldo izango da.

Aurkeztu beharreko agiria Gizarte Segurantzak emondako jublatu txartela da.

2. %65eko edo gehiagoko minusbalio gradua daukientzako tarifa: aurreikusita dagoan tarifa azken finean tasa zenbatekoaren hobaria dan ezkerero eta egoera hori frogatu beharra dagoan ezkerero, txartela eukitea hobari eskubidea bermatzeko era da. Horregaitik %65eko edo gehiagoko minusbalio gradua daukientzako 1.2 tarifa aplikatzeko txartela eukitea derrigorrezkoa izango da.

Eskubidea aitortzeko eskumena udalarena dan ezkerero, froga-agiriekaz [Berh@z](#) bulegoan aurkeztuko dau txartel eskaria eta bertan emongo jako txartel gorria hori izanik 1.2 tarifa hobatua aplikatzeko agindua. Txartela autobusean aurkeztuko dau, han aktibatuko da tarifa hobarritua kodifikatuta eta diruz kargatuko da. Txartela eskuratzeari jagokon 1.4 tarifaren zenbatekoa automatikoki deskontatuko da egindako diru-kargatik. Geratzen dana bidaietarako saldoa izango da.

Aurkeztu beharreko minusbalio-gradua egiaztetan dauen agiria, Bizkaiko Foru Aldundiaren organo eskudunak emondakoa da, beraz ez dau balio ezintasuna baloratzeko taldeek egindako erispen tekniko-fakultatiboa aurkeztea

3. Familia ugarientzako tarifa: aurreikusita dagoan tarifa azken finean tasa zenbatekoaren hobaria dan ezkerero eta egoera hori frogatu beharra dagoan ezkerero, txartela eukitea hobari eskubidea bermatzeko era da. Horregaitik familia ugariei 1.2 tarifa aplikatzeko txartela eukitea derrigorrezkoa izango da.

Eskubidea aitortzeko eskumena udalarena dan ezker, frogagirikaz [Berh@z](#) bulegoan aurkeztuko dau txartel eskaria eta bertan emongo jako txartela hori izanik 1.2 tarifa hobaria aplikatzeko agindua. Txartela autobusean aurkeztuko dau, han aktibatuko da tarifa hobarritua kodifikatuta eta diruz kargatuko da. Txartela eskuratzeari jagokon 1.4 tarifaren zenbatekoa automatikoki deskontatuko da egindako diru-kargatik. Geratzen dana bidaietarako saldo izango da.

**Aurkeztu beharreko agiria Bizkaiko Foru Aldundiaren ziurtagiria beharko da, Familia Ugariaren titulua, hain zuzen ere.**

3- Langabetuentzako tarifa: aurreikusita dagoan tarifa azken finean tasa zenbatekoaren hobaria dan ezker eta egoera hori frogatu beharra dagoan ezker, txartela eukitea hobari eskubidea bermatzeko era da. Horregaitik langabetuentzako 1.2 tarifa aplikatzeko txartela eukitea derrigorrezkoa izango da.

Eskubidea aitortzeko eskumena udalarena dan ezker, frogagirikaz [Berh@z](#) bulegoan aurkeztuko dau eskaria eta bertan emongo jako txartela zenbakia erregistratu ondoren. Txartela eta igorriko jakon ziurtagiria autobusean aurkeztuko dauz, han aktibatuko da jagokozan iraupen data eta tarifa hobarritua kodifikatuta eta diruz kargatuko da. Txartela eskuratzeari jagokon 1.4 tarifaren zenbatekoa automatikoki deskontatuko da egindako diru-kargatik. Geratzen dana bidaietarako saldo izango da.

Aurkeztu beharreko agiria Lanbidek emondako langabetua izatearen ziurtagiria da.

Pertsonen egoera aldatu daitekela kontutan izanda, txartelak 6 hilabeteko iraupena eukiko dau. Iraupen dataren hurrengo egunean txartela baliogabetuta geratuko da. Iraupen datan langabetu egoeran jarraitzen badau, barriro eskatu beharko dau txartela beharrezko agiria aurkeztuta. Iraungitze data baino lehenago luzatzea eskatu ezker, txartelean geratzen dan saldoa itzuliko jako.

Iraupen data baino lehenago langabetua izate egoera amaituko balitz, txartela entregatuta egoera aldaketa aitortu beharko dau eta ez aitortzea tributuzko iruzurra izango da.

4- Txartelak eskuratzea: Txartel arruntak, hau da, hobaririk aplikatzen ez jakenak, eskuratzeko lekua autobusa da eta txartela aktibatuta erabilgarria izateko momentuan bertan ezinbestekoa da diruz kargatzea. Txartela eskuratzeari jagokon 1.4 tarifaren zenbatekoa automatikoki deskontatuko da egindako diru-kargatik. Geratzen dana bidaietarako saldo izango da.

5- Diru-kargak: Txartela eskuratzean nahiz hurrengotan egin daitekezan diru-kargak 5 €, 10 € edo 20 €-koak izango dira. Diru-kargak autobusean bertan egingo dira.

6- Txartel aldaketak: Behin txartel bat eskurata egoera aldatzeagaitik txartel aldaketa egitean ez da barriro txartela emoteari jagokon tasa ordainduko, beti be, lehenago

txartela entregatzen bada. Zaharrean saldoa geratu ezker, itzuli egingo jako, 8.3 atalean ezarritakoaren kalte barik.

7- Txartela galtzean edo alferrik galtzean barria eskatu ezker, txartela emoteari jagokon tasa ordaindu beharko da.

8- Txartel itzulketa: Txarteldunak edozein motibogaitik zerbitzua ez erabiltzea erabakitzen badau, txartela entregatu ahal izango dau udalak berrerabilpena emoteko, baina ez jako itzuliko eskuratzeko ordaindutako tasa, ezta, geratzen jagon saldoari jagokon zenbatekoa be.

Salbuespen bakarra honako hau izango da: langabetu egoera aldatu ondoren zerbitzua ez erabiltzea erabakitzen badau, txartelean saldo itzulketa eskatu ahal izango da egoera aldaketa kreditatzen dauan ziurtagiria Berh@z bulegoan jaso eta autobusean aurkeztuta eta beti be iraungitze data baino lehenago eskatuta.

9- Kobru eta itzulketen kontrola: Txartelak emoteko tasa kobratzea, behin txartel bat eutika egoera aldatzean txartel barria ez kobratzea edo konpentsatzea, eta saldoak itzultzea edo ez itzultzea autobuseko gidariaren esku egongo diran ezker eta autobuseko makinaren funtzionamendua kontutan izanda, edozein operazio kontratistak hilerko aurkeztu beharko dauan eragiketa agirian guztiz justifikatuta egon beharko dau.

10- Txartel eta tasa honen kudeaketari buruzko erreklamazioak: Erreklamazioak hartzea eta euri buruzko erabakiak hartzea Udalarari jagokoz. Horregaitik erreklamazioak aurkezteko lekua Berh@z bulegoa izango da.

### **Xedapen iragankorra**

Tokiko Ogasunen abenduaren 16ko 9/2005 Foru Arauko 16. artikuluan ezarritakoaren araberrako datan sartuko da indarrean ordenantza. Baina txartelak erabiltzea bultzatzeko kanpaina egingo dan ezker, txartel bakoentzako 1.3 tarifa 2013ko urriaren 1etik aurrera aplikatuko.

### **Xedapen gehigarria**

Edozein motibogaitik Udalak zerbitzua kentzea erabakiko baleu, txarteletan geratzen diran saldoak itzuliko dauz, beti be, txartela udalarari entregatuta eta itzulketa eskaria erabakiaren datatik hiru hilabeteko epean egiten bada.